

Meur a grouadur tro-var-dro,
Varnho dija liou ar maro,
Evitho pedet sant Ronan,
Kerkent 'zo bet tennet a boan,
Ha groaguez 'zo bet dilivret,
Eur vech d'ezhan enn em voestlet.

Tost d'ar chapel, dour sklear a red,
Feunteun sant Ronan-eo hanvet,
Hag evel eunn dour a vue,
E rent meur a hini pare,
Buhan e cass-kuit an drouc-penn,
E lamm ar gentil hag ann derien.

VIII

Pedit evidomp, sant Ronan,
Pedit 'vit parrez Locronan,
Grit d'eomp holl beza vertuzus,
Ho karet ha karet Jesus,
Ha preparit d'ho pugale,
Eur plaç enn ho kichenn enn Ee !

Imprimatur :

Quimper, le 17 Mai 1911.

A. COGNEAU, vic. gén.

Kemper, Moullerez ru-an Dudehentil.

8N2-2-049

CANTIC

VAR BUEZ HA MARO

ANN' AOTROU SANT RONAN


Patron Locronan Coat-Nevet

VAR TON : *Guers Holofernès.*

I

Hirio bennigomp unanet
Sant Ronan, hor pastor karet,
Da veza roet eunn donezon
Ebarz er vro hag er c'hanton,
Enn-eur lezel he gorf-santel,
O vervel var douar Breiz-Izel.

Er c'hoat, zo hanvet Coat-Nevet,
El leac'h m'en devoa pel-bevet
Er binijen, enn' orèzon,
Eno eo miret he galon,
Evit ma vezo enoret
Gant pedennou ar Vretonet,



II

Euz ann' Irland oa ginidic
A dud kristen ha pinvidik ;
Yaouankic e troaz he spered
Da gaout descadurez ar bed,
Mes er furnez, er zantelezh
E cresse c'hoaz muioc'h bemdez.

Enn despet d'ezhan beleget,
Eskop hep dale 'voë sacret,
Ha sklerijennet gant Doue
E lezaz enor ha danve,
Hag hen dont e costez Leon,
'Vit ober easoc'h orezon.

Eno prestic he vertuziou
A reaz eleiz a vurzudou,
E Kerne neuze e tremenaz
Gant eunn eal dreist ar mor glaz,
Ha ganthan e voë douget
Er c'hoat 'zo hanvet Coat-Nevet.

III

Hag eunn den, leunn a vadelez,
Enn eur velet he zantelezh,
A zavaz d'ezhan eul lochen
Evit enn em rei d'ar beden,
Ha gant he goms ouë ken tomet,
M'eunn d'oa poan ouz en dioueret.

He c'hreg fallakr, ha mez ar vro,
Hag a ioa Keban he hano,
Eleac'h silaou comziou Doue,
Kriz ouz ar zant a gounnare :
Caër he devoa mont e koler,
Sant Ronan ne responte ger.

Neuze dre eur gassoni braz
An den santel a damallaz
A-zirag ar Roue Grallon
Euz eunn torfet n'oa ket guirion,
Méz he gevier, he fallentez
D'ar zant a droaz he levenez.

He merc'h, oaget a bemp bloaz,
Hep truez enn arc'h a guzaz,
Ha d'ann holl e veze countet
E z'oa bet gant Ronan lounket :
Hennez, emez'hi enn egar,
A c'hoar mont da vleiz pa gar.

Kemeret evit eur muntrer,
Ronan 'voë caset da Gemper,
Prest' oar da ober he brocèz,
Méz hen pedi tud ar palèz
Da c'hortoz ma vije gullet
Penauz ar verc'h ioa bet lazet.

Doue diskoez ar virione
Enn eur rei d'ar verc'h ar vuë :
Hag ann oll a velaz raktal
Sant Ronan a ioa didamall :
Ar vam hebken, ar vam gruel
He devoa lezet da vervel.

Keban aberz holl dud ar vro
Ne c'hede nemet ar maro :
Evithi Ronan a bedaz,
D'ezhi Grallon a bardounaz,
Ha d'ezhan 'vit he zantelez
E roaz istim ha karantez.

IV

Evel ma z'ee dre ar c'harter
Da brezek lezen hor Zalver,
E kreiz ar c'hoat e tiredaz,
Enn ho daouarn meññ ha penn-baz,
Tud gouez euz ar re grissa
En esper gellout he laza.

Méz gant Doue 'voë diouallet
Ouz enebourien miliget,
Ha kerkent eur voçen garo
A zidarzaz var holl ar vro,
'Vit diskoez sklær da bep-unan
Et flie respëti sant Ronan.

Eunn dervez, var dreuzou he di,
Edo devoi braz o pedi
Pa zigoezaz eur bleiz er c'hoat,
Enn he vec eur paour-kæz danvat :
Ar zant ouz ar bleiz a gomzaz,
Souden an danvat a lezaz.

V

Da velet ann ermit santel
E tirede tud euz a bell :

Aoun ganthan da veza meulet,
E kimmiadaz diouz Coat-Nevet :
E Sant-Briec eul leac'h distro
Hen dalc'haz betec ar maro.

Ar Zant eno a dremenaz,
Enn em gavet enn eunn oad braz :
Neuze, neuze, tra burzuduz !
'Voë klevet eur c'hân dudiuz.
Eur muzik græt gant ann elez
O cass hor patron d'ho valez.

Tri eskop o deuz goulennet
Ar c'horf da veza enterret,
Mies choazet e voë daou ejen
'Vit gout da biou rei he c'houlenn :
Lèzet gantho ho liberte,
Hen digasont e douar Kerne.

Lakeet oa bet ar c'horf maro
Enn eur c'har 'vit tremen ar vro :
Hep gortoz sicour digant den
A hed ann hent evit ho ren,
Gant dourn Doue e voant bleinet
D'enn em renta e Coat-Nevet.

Herzel a ree'hont er plac-man
Ma z'eo savet kêr Locronan,
Goude m'o devoa græt an dro
A ree ar zant pa oa beo,
Da zaludi c'hoaz al leac'hiau
Enoret dre he bedennou.

Enn eur ober tro ar menez,
Neuze Keban en em ziskoez :
Oûman buhan, ouz he velet,
A nevez a zo kounnaret,
Hag hi skei gant he golvez-prenn,
Ha terri he gorn d'ann ejen.

Korn ann ejen ioa bet skoët
Raktal d'an douar 'voë diskaret,
Mêz, dre bermission Doue,
A stagaz e plaç adarre,
Ken na voa ar c'horf digoezet
E Plaç ar C'horn breman hanvet.

Keban o veza tremenet
Ne ieaz ket enn douar benniget :
Pell diouz ar zant, var ann hent braz
Eunn toul hebken doun er c'huzaz
Er menez, etre diou barrez,
'Vit na vo dizounjet jamez.

VI

Eunn dro bep c'huec'h bloaz e ve græt
An Dromeny ez eo hanvet,
Ar zant-var yun er gre bemdez
Epad ma zeo bet e buez,
Tost da deir leo var dro he di,
Da bellaat diouthan ar bleizi.

Ar c'hiz da ober an dro-ze
'Zo d'ann eil zul a C'houere :
Da c'hounit induljañç plenier

E tired tud a bep karter,
Hag e pedont a greiz kalon
Sant Ronan karet, hor patron.

Ar c'hleyer, hep beza sounet,
O tregerni 'zo bet klevet,
Ha guelet euz bet flammou tan
A-ziouc'h relegou sant Ronan,
O vont o tont dûman-duze,
Erfin o nijal eûn d'an Ee.

Eur bloavez, oc'h ober ann dro,
Ne baouezaz ket ar glao :
E riskl edont ar parruriou
Renket koant var ar relegou,
Mêz eleac'h beza glibet,
Sec'h ha dirouven oant choumet.

Caër eo bet savet ar chapel
Gant ann duket a Vreiz-Izel,
Ha d'ar zant eur bez ar braoa
Ornet gant ann dukèz Anna
Evit tenna bennoz Doue
Var Breiz-Izel, var he ligne.

VII

Pell' zo gant hor zant benniget
Ar c'hanton-man 'zo diouallet :
Var ar re vraz, var ar re vihan
E choum astennet breac'h Ronan ;
O tont da bedi d'he chapel,
Sûr eo ann holl da gaout skoazel.